

**CONVENIO DE COLABORACIÓN ENTRE TURISMO DE GALICIA E O CENTRO DE FORMACIÓN
BEANA S.L. PARA A REALIZACIÓN DE PRÁCTICAS ACADÉMICAS EN OFICINAS DE TURISMO
DEPENDENTES DE TURISMO DE GALICIA**

Santiago de Compostela, 9 de setembro de 2016

REUNIDOS

Dunha parte, D. Manuel Galdo Pérez, secretario xeral da Presidencia, en exercicio das competencias da persoa titular da Dirección da Axencia de Turismo de Galicia por suplencia, en virtude da Orde do 22 de agosto de 2016 (DOG núm. 160, 25/08/2016).

E doutra banda, _____, con DNI _____, en representación de Centro de Formación Beana S.L. con CIF B-27.335.108

Ambas as dúas partes recoñécense capacidade legal suficiente para a celebración deste **Convenio de Cooperación Educativa para a realización de prácticas académicas**, polo que

EXPOÑEN

I.- Que a Turismo de Galicia, segundo o Decreto 196/2012, do 27 de setembro polo que se crea a Axencia de Turismo de Galicia e se aproban os seus estatutos é o órgano da Xunta de Galicia ao que lle corresponden o exercicio, entre outras, das competencias en materia de coordinación, impulso, xestión e execución das actividades promoción do turismo. Para lograr esta finalidade Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia. No exercicio das súas funcións, correspóndelle executar as medidas definidas para a promoción e fomento do sector turístico de Galicia, levar a cabo plans e programas de acción e colaborar no desenvolvemento de actuacións que lle permitan acadar os seus obxectivos.

II.- Que o Centro de Formación Beana S.L. ten como finalidade a impartición das ensinanzas necesarias para a capacitación das persoas que van dedicarse profesionalmente ás actividades relacionadas co turismo e dentro dos cometidos do devandito centro está o de organizar prácticas en empresas e institucións relacionadas co turismo, de xeito que exista una interacción entre a formación e o mercado laboral. O Centro está homologado para a impartición de formación profesional ocupacional pola Consellería de Traballo.

III.- Que é vontade da Axencia Turismo de Galicia e o Centro de Formación Beana S.L. facilitar a integración laboral dos alumnos, e para iso conveñen , segundo as seguintes cláusulas, facilitar a realización de prácticas na devandita empresa.

CLÁUSULAS

PRIMEIRA. – OBXECTO

O obxecto deste convenio é a regulación das prácticas académicas entre Turismo de Galicia (entidade colaboradora) e o Centro de Formación Beana S.L. (centro de formación) para facilitar a preparación para o exercicio profesional dos estudantes en áreas operativas da empresa relacionadas coa súa formación e as posibles saídas profesionais desde os estudos cursados promovendo así o futuro desenvolvemento profesional e o acceso ao mercado laboral dos futuros titulados.

A realización destas prácticas externas ven regulada na seguinte normativa:

- Real Decreto 34/2008, de 18 de xaneiro, polo que se regulan os certificados de profesionalidade, publicado no BOE nº 27 do 31 de xaneiro de 2008.
- Real Decreto 1376/2008, de 1 de agosto, polo que se establecen dez certificados de profesionalidade da familia profesional Hostalería e Turismo que se inclúen no Repertorio Nacional de Certificados de Profesionalidade”, publicado no BOE nº 216 do 6 de setembro de 2008.
- Real Decreto 1675/2010, do 10 de decembro, polo que se modifica o Real Decreto 34/2008, do 18 de xaneiro, polo que se regulan os certificados de profesionalidade e os reais decretos polos que se establecen certificados de profesionalidade ditados na súa aplicación.



- Orden ESS/1897/2013, de 10 de outubro, pola que se desenvolve o Real Decreto 34/2008, de 18 de xaneiro, polo que se regulan os certificados de profesionalidade e os reais decretos polos que se establecen certificados de profesionalidade ditados en súa aplicación, publicado no BOE nº 249 do 17 de outubro de 2013.
- ORDE do 30 decembro de 2014 pola que se establecen as bases reguladoras e se procede á convocatoria pública de subvencións para a programación de accións formativas dirixidas prioritariamente ás persoas traballadoras desempregadas na Comunidade Autónoma de Galicia correspondente ao exercicio de 2015, publicado no DOG nº 10 do 16 de xaneiro de 2015.

SEGUNDA.- PROGRAMA DE PRÁCTICAS ACADÉMICAS EXTERNAS

O programa de prácticas académicas externas en Turismo de Galicia cumprirá as seguintes características:

- Os alumnos do Centro de Formación Beana S.L. poderán realizar prácticas en calquera Oficinas de Información Turística dependentes de Turismo de Galicia.
- A duración das prácticas deberá axustarse á lexislación vixente e á normativa complementaria.
- O horario de prácticas procurará, en todos os casos, a adaptación cos horarios lectivos para que o alumno/a teña as maiores facilidades na súa práctica académica externa e na continuación dos seus estudos.
- Por cada estudante que realice as prácticas formativas na entidade colaboradora asinarase un documento segundo o modelo normalizado no anexo no que deberán constar as datas de realización das prácticas e o horario e os títolos asignados.
- Os riscos de accidente ou enfermidade dos alumnos serán cubertos en todo caso polo Seguro Escolar, polo que Turismo de Galicia non se fai responsable dos devanditos riscos.
- Con anterioridade á sinatura do convenio o alumno/a asinará un documento onde manifieste o seu compromiso de gardar confidencialidade sobre aqueles asuntos dos que teña coñecemento por razón de servizo durante a realización das súas prácticas e

recoñeza que non existe vinculación laboral de ningún tipo coa Axencia de Turismo de Galicia nin obriga de contratación posterior por parte desta

- O centro de formación dispón dun seguro de accidentes dos alumnos e dunha póliza de seguro de responsabilidade civil para facer fronte aos riscos que para os bens e persoas poidan derivarse da realización das devanditas prácticas, dos que se achega copia anexa a este documento.

TERCEIRA.- TITOR/A

O Centro de Formación poñerá un titor de prácticas ao servizo do alumno. Turismo de Galicia designará un titor para o seguimento e avaliación das prácticas.

Ao remate do período de prácticas, Turismo de Galicia emitirá unha certificación na que se fará constar a duración, as actitudes e o contido das prácticas realizadas asinado polo titor.

O Centro de Formación poñerá un titor de prácticas ao servizo do alumno.

CUARTA .- PROTECCIÓN DE DATOS

O Centro de Formación Beana S.L. e a entidade colaboradora comprométense a cumprir coa Lei Orgánica 15/1999, do 13 de Decembro, de Protección de Datos de carácter Persoal (LOPD) e de normativa de desenvolvemento, en concreto no Real Decreto 1720/2007, do 21 de Decembro, polo que se aproba o Regulamento de desenvolvemento da LOPD.

En caso de que, en virtude do presente convenio, calquera das partes comunique á outra datos de carácter persoal, a entidade cedente expresamente manifesta e garante á cesionaria que cumpre coa totalidade das obrigas e previsións contidas na LOPD e na normativa de desenvolvemento desta, con respecto aos devanditos datos.

QUINTA.- CONSIGNACIÓN ORZAMENTARIA

Pola realización das prácticas, nin o Centro de Formación Beana S.L. nin o alumno/a recibirán ningunha subvención nin contraprestación nin por parte da entidade colaboradora.

A sinatura deste convenio non implica polo tanto, asunción de obrigas económicas para Turismo de Galicia.

SEXTA.- DISPOSICIÓN COMÚN

De conformidade co establecido na normativa en que se fundamenta este Convenio, o período de prácticas non constituirá, baixo ningún concepto, relación laboral entre o alumnado e Turismo de Galicia nin co Centro de Formación Beana S.L. En ningún caso se derivarán obrigas propias dunha relación laboral ou contractual de conformidade coa normativa vixente. Por conseguinte, as prácticas do estudante en ningún caso terán carácter laboral, quedando expresamente excluído da lexislación laboral.

SÉTIMA.- COMISIÓN MIXTA DE SEGUIMIENTO

Constitúese unha Comisión Mixta de Seguimento e Control do presente convenio, formada por dous representantes do Centro de Formación Beana S.L. e dous de Turismo de Galicia.

Así mesmo, esta Comisión resolverá as cuestións litixiosas que puidesen xurdir na aplicación do presente convenio sendo os acordos por esta adoptados inmediatamente executivos. Será Presidente da Comisión un representante da entidade colaboradora.

OITAVA.- NATUREZA XURÍDICA E XURISDICIÓN COMPETENTE.

Este convenio ten natureza administrativa, sendo competente para entender dos litixios que puidesen xurdir respecto da súa interpretación e execución a xurisdición contencioso-administrativa, e queda fóra do ámbito do Real Decreto Lexislativo 3/2011, de 14 de novembro, polo que se aproba o texto refundido da lei de contratos do sector público, que os exclúe expresamente no apartado d) do artigo 4.

As cuestións litixiosas que xurdan con respecto á interpretación, modificación, resolución e efectos do presente Convenio serán resoltos en primeira instancia pola Comisión de Seguimento. Os conflitos que poidan xurdir polas partes e que non poidan ser resoltos na comisión, someteranse á resolución dun procedemento arbitral.

NOVENA.- FINAL

Este convenio entrará en vigor a partir da data da súa sinatura e terá unha duración dun ano, prorrogándose automaticamente por igual período de tempo, salvo que algunha das partes o denuncie, cunha antelación mínima dun mes, á data do seu vencemento.

Por circunstancias especiais e xustificadas que fixesen difícil a continuación do período de prácticas, a institución Turismo de Galicia estará facultada para anular ou suspender o compromiso adquirido neste convenio de cooperación educativa en calquera momento do período de estadía de prácticas académicas externas

E en proba de conformidade, asínase o presente convenio por duplicado exemplar no lugar e data indicados ao comezo.

Pola Axencia Turismo de Galicia

Polo Centro de Formación Beana S.L.

O/A director/a de Turismo de Galicia

A representante

PS (Orde 22/08/2016 - DOG 25/08/2016)

O secretario xeral da Presidencia

Manuel Galdo Pérez

ANEXO I

**RELACIÓN NOMINAL DE ALUMNOS QUE REALIZARÁN PRÁCTICAS ACADÉMICAS NA AXENCIA
TURISMO DE GALICIA SEGUNDO SE RECOLLE NA CLÁUSULA SEGUNDA DO CONVENIO
ASINADO ENTRE A AXENCIA TURISMO DE GALICIA E O CENTRO DE FORMACIÓN BEANA S.L.**

CURSO:

ALUMNO/A (apelidos e nome)	D.N.I.	PERÍODO DE PRÁCTICAS	CENTRO	TITOR